



UNIVERSITÄTS-  
BIBLIOTHEK  
PADERBORN

## **Praxis Meditationum S.P. Ignatii Loyolae**

**Diertins, Joseph**

**Solisbaci, 1708**

Med. 27. Gen. 1. De muliere peccatrice.

---

[urn:nbn:de:hbz:466:1-60232](https://nbn-resolving.org/urn:nbn:de:hbz:466:1-60232)

VOL. Exclamemus cum Prophetâ Moysè de aliis æquè, atque de nobis: *Gens absque consilio est, & sine prudentia, utinam saperent, & intelligerent, ac novissima providerent!* Deuter. 32. *Preces mea non sunt digna, sed tu bonus fac benigne, ne perenni cremer igne.*

COLLOQ. Ad Christum Crucifixum, Judicem futurum, ut det gratiam, ità pugnandi contra carnis, sensuum, amorisque proprii, & mundani rebellionem (qui hostes nos à fine, & à salute nostrâ abducunt; & ad peccandum continuò trahunt) ut illo die iræ, & extremi Judicii possimus esse securi, *Quærens me sedisti lassus, redemisti crucem passus, tantus labor non sit cassus.* RECOL.

## MEDITATIO XXVII.

### G. I.

#### *De muliere peccatrice.*

CONG. Quomodo Æger quærat medicum, & captivus anhelet ad redemptorem.

PRÆL. I. Respicere nos ipsos, tamquam captivos sub servitute peccati, ac tamquam ægros, & vulneratos.

PRÆL. II. Petere gratiam faciendi fructus dignos pœnitentiæ.

PUNCTUM I. *Confessio peccatorum.* MEM. Luc. 7. *Mulier, quæ erat in Civitate peccatrix, ut cognovit, quod (Jesus) accubisset in domo Phari-*



*Pharisai, attulit alabastrum unguenti, & stans retròsecus pedes ejus, &c.*

INTEL. Consideremus, quod mulier illa, postquam parasset unguenta, & odorama, per quæ intelligi possunt *orationes Sanctorum*, Apoc. & cæteraque necessaria ad fructuosam pœnitentiam, stando *retròsecus pedes ejus*, professa sit se esse peccatricem. REFL. Videamus quomodo præparaverimus nosipfos ad confessionem, eamque ad pedes Sacerdotis instituerimus.

VOL. Dicamus cum Ezechiaâ Isa. 38. *recogitabo tibi omnes annos meos in amaritudine anime mee*, & cum Davide Ps. 31. *Confitebor ad verum me iniquitatem meam Domino.*

**P**UNCTUM II. *Contritio de peccatis.* MEM. Luc. 7. *Lacrymis cœpit rigare pedes ejus, & capillis capitis sui tergebat, & osculabatur pedes ejus, & unguento ungebat.*

INTEL. Hæc omnia vim doloris designant, oscula verò, & unctio ingentem amorem, & contritionem charitate perfectam. REFL. Componamus contritionem nostram cum hac.

VOL. Fateamur debilitatem contritionis nostræ: dicamus cum Jerem. 69. *Quis dabit capiti meo aquam, & oculis meis fontem lacrymarum, &c.* diligamus Patrem tam misericordem.

**P**UNCTUM III. *Absolutio à peccatis.* MEM. Luc. 7. *remittuntur ei peccata multa, quoniam dilexit multum... dixit autem ad illam: remittuntur tibi peccata... fides tua te salvam fecit, vade in pace.* INTEL.



INTEL. Contemplemur hîc fructum sinceræ pœnitentiæ conjunctæ cum verâ fide; simulque clementiam Christi erga peccatores pœnitentiam agentes. REFL. Cogitemus nos ideo fortè non sentire illam pacem post absolutionem acceptam à Sacerdote, quia dolor noster non est tam sincerus, neque satis conjunctus cum fide, spe, & charitate.

VOL. Statuamus deinceps imitari pœnitentiam istius mulieris: & anhelemus ad illam Christi vocem: *remittuntur tibi peccata: vade in pace.*

COLLOQ. Ad Christum Crucifixum, conjicendo nos ad pedes ejus, eos osculando, lacrymis rigando, unguendo, unguento virtutum, præsertim charitatis. RECOL.

## MEDITATIO XXVIII.

### G. II.

#### *De brevitare Vitæ.*

CONG. Videre homines passim morientes, sicut folia in autumno ex arboribus cadentia.

PRÆL. I. Intueri seipsum inter mille ægritudinis, & mortis causas constitutum.

PRÆL. II. Petere gratiam, ut tamquam peregrinos geramus nos super terram, & brevî migraturos.

PUNCTUM I. MEM. In mentem revocemus annos præteritos vitæ nostræ, & quàm paucos sperare